

# K.C.S.E 2006 KISWAHILI KARATASI YA 102/3

## FASIHI SIMULIZI

1. (a) Fasihi Simulizi ni nini? (alama 2)  
(b) Eleza tofauti nne baina ya Fasihi Simulizi na Fasihi Andishi. (alama 12)  
(c) Nini umuhimu wa Fasihi Simulizi? (alama 6)

## TAMTHILIA

### Kithaka wa Mberia: *Kifo Kisimani*

2. "Utani? Haukuwa utapu! Mtemi amesikia sifa za uzalendo wako.... Mipango yote imepangwá na kupangika,... Unapa, bwana, hiari ya binadamu ni kifaa cha mtu mwenyewe. Anaweza kukitumia vizuri au vibaya. Anaweza kukitumia kujinufaisha maishani au kujikwamisha njiani. Inategemea mtu mwenyewe."

- (a) Eleza muktadha wa dondo hili. (alama 2)  
(b) Ni mipango gani inayozungumziwa? (alama 4)  
(c) Fafanua jinsi baadhi ya wanajamii wa *Kifo Kisimani* walivyoitumia hiari yao vibaya. (alama 14)

## RIWAYA

### Z. Burhani: *Mwisho wa Kosa*

3. Linganisha wasifu wa wahusika wafuatao na uonyeshe umuhimu wao katika riwaya ya *Mwisho wa Kosa*:  
(a) Monika  
(b) Muna

## HADITHI FUPI

### K. W. Wamitila: *Mayai Waziri wa Maradhi*

Jibu swali la 4 au la 5

### Siku ya Mganga

4. "Lakini kulikuwa na tatizo gani iwapo. .... mganga alikuwa hajui chochote kuhusu ugonjwa?"  
(a) Fafanua muktadha wa maneno haya. (alama 2)  
(b) Eleza sifa za mganga anayerejelewa katika hadithi hii. (alama 10)  
(c) Taja na usafanue madhara aliyoasababisha mganga kwa jarnii. (alama 8)

### Kachukua hatua Nyingine

5. "Kusema ukweli Mavitu alijua fika kuzichukua hatua."  
(a) Thibitisha ukweli wa usemi huu ukirejelea hadithi ya *Kachukua Hatua Nyingine*. (alama 10)  
(b) Hatua alizozichukua Mavitu zilikuwa na athari gani? (alama 10)

## 6. Soma shairi hili kisha ujibu maswali yanayofuata.

## KWELI

1. Neno la kweli daima,  
Li nguvu za kutosha  
Ni silaha ilo nzima shahaba kutopotosha  
Neno ngome ya hishima, msema kweli hunyosha  
La urongo lapotosha, dumu katika ukweli
  2. Ukitaka taadhimma, na hifadha ya kutosha  
Uishi pesye huduma, uwe ndiwe muongosha  
Uwe mukweli daima, urongo wako ondosha  
La urongo lapotosha, dumu katika ukweli
  3. La kweli lina salama, *ghayati* linaridhisha  
Lakinga mbele na nyuma, na katiki lafurahisha  
*Hata kesini ungama, Mola atasahalisha*  
La urongo lapotosha, dumu katika ukweli
  4. Ruhusa urongo sema, patatu nakujulisha  
Ni kauli ya Hashima, wengi *wamesadikisha*  
Ni hadithi twaisoma, nasi tumejidfundisha  
La urongo lapotosha, dumu katika ukweli
  5. Kwanza urongo useme, iwapo wapatanisha  
Pili ni mke na mume, ili ndoa kudumisha  
Na vitani usikome, ni haki kuhadaisha  
La urongo lapotosha, dumu katika ukweli
  6. Wasalamu kadirama, sitaki kuyarefusha  
Waja wa leo si wema, si hoja kuwagutusha  
Wathamini darahima, haki wakaziangusha  
La urongo lapotosha, dumu katika ukweli
- (a) Taja manufaa ya ukweli kama yalivyoelezwa na mshairi. (alama 4)  
 (b) Taja na kutoa mifano ya tamathali mbili za usemi katika shairi. (alama 4)  
 (c) Dondoa na ueleze mifano miwili tofauti ya uhuru wa kishairi katika shairi hili. (alama 4)  
 (d) Andika ubeti wa tano katika lugha nathari. (alama 4)  
 (e) Eleza maana ya:  
 (i) *ghayati* (alama 1)  
 (ii) *hata kesini ungama, mola atasahalisha.* (alama 2)  
 (iii) *wamesadikisha* (alama 1)

7. **Soma shairi hili kisha ujibu maswali yanayofuata.**

**MKULIMA**

Mtazameni..... nguzo ya Afrika  
mtumwa wa watumwa waloridhiya!

Amekita jembe lake akilisujudia  
Kwa *tambo* liloumbuka na koseleheea  
Uso ukifuka ukata ulojifanya tabia  
na machungu ya maoneyu alovumilia.

Moyo wake *malio ulokokomaa* kama kuni  
Haujui tenakutarajia wala kutamani  
Umekufi ganzi kutohisi raha wala huzuni

Bashitendikira mambo mukiyafikiri  
*Siku hamaki yake itapochafuka kama bahari*  
Siku ukweli wa hali yake utapodhihiri  
Umejiandalia vipi...

huo mkono ulomuumbua na kumkausha  
hizo pumzi zilomzimia taa ya maisha  
kumfunga kizuizi, gizani *kumtowesha!*

Ni jawabu gani a lowekewa na wakati  
*kuipoza ghadhabu ya kiu ingawa katiti*  
kuiliwaza hamaki ya njaa hii ya dhati  
Njaa ya maisha itakayo kushibishwa.

- (a) Eleza mambo muhimu yanayojiteza katika shairi hili. (alama 4)  
(b) Taja na utoe mifano ya aina zozote mbili za tamathali za usemi zilizotumika katika shairi hili. (alama 4)
- (c) Eleza umbo la shairi hili. (alama 4)  
(d) Onyesha umuhimu wa matumizi ya kihisishi katika shairi. (alama 3)  
(e) Fafanua maana ya:  
(i) Siku hamaki yake itapochafuka kama bahari. (alama 2)  
(ii) kuipoza ghadhabu ya kiu ingawa katiti. (alama 2)
- (f) Eleza maana ya msarniati ufuatao kama ulivyonumiwa katika shairi:  
(i) tambo  
(ii) ulokokomaa  
(iii) kumtowesha (alama 3)